

2017-2018 სასწავლო წლისათვის ლაიდენის უნივერსიტეტის მიერ გამოყოფილი  
სამაგისტრო სტიპენდიის მოსაპოვებლად შესარჩევი კონკურსის ჩატარებისა და  
კანდიდატთა შერჩევის წესი

1. კონკურსის მიზანი

კონკურსის მიზანია თსუ-სა და ლაიდენის უნივერსიტეტის შორის არსებული ორმხრივი თანამშრომლობის ფარგლებში, ლაიდენის უნივერსიტეტის მიერ 2017-2018 სასწავლო წლისათვის გამოყოფილი სამაგისტრო სტიპენდიის მოსაპოვებლად, კონკურსში მონაწილე თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის და ევროპული კვლევების ინსტიტუტის მაგისტრატურის პირველი სემესტრის კანდიდატთა შორის სტიპენდიის შერჩევა.

2. კანდიდატი

კონკურსზე დაიშვებიან თსუ ჰუმანიტარულ მეცნიერებათა ფაკულტეტისა და ევროპული კვლევების ინსტიტუტის მაგისტრატურის პირველი სემესტრის სტუდენტები რომელთა GPA არის 3.2–4.0 და რომლებიც ფლობენ ინგლისური ენის ცოდნის დამადასტურებელ საერთაშორისო სერთიფიკატს – IELTS 6.5.

3. სტიპენდიის შერჩევა

სტიპენდიის შერჩევა ხორციელდება შემდეგ კრიტერიუმებზე დაყრდნობით:

1. მოტივაციის წერილი
2. ზეპირი პრეზენტაცია (ინგლისურ ენაზე)
3. აკადემიური მოსწრების საერთო საშუალო ქულა (GPA).

4. კომისიის შეფასება

ა) კომისია ახორციელებს კანდიდატის მოტივაციის წერილისა და ზეპირი პრეზენტაციის შეფასებას.

ბ) კანდიდატის მოტივაციის წერილისა და ზეპირი პრეზენტაციის შეფასება ხორციელდება არაუმეტეს 10 ქულით შემდეგი თანაფარდობით:

ბრწყინვალე -	10 ქულა
ძალიან კარგი -	9 ქულა
კარგი -	8 ქულა
დამაკმაყოფილებელი -	7 ქულა
საკმარისი -	6 ქულა
არადამაკმაყოფილებელი -	5 ქულა და ნაკლები

გ) თუ კანდიდატის მოტივაციის წერილი ან ზეპირი პრეზენტაცია შეფასებულ იქნება არადამაკმაყოფილებლად (5 ქულა და ნაკლები), მისი კანდიდატურა იხსნება შესარჩევი კონკურსიდან.

5. გამარჯვებულის გამოვლენა

სტიპენდიის გამოვლენა ხდება შესარჩევი კომისიის შეფასების საფუძველზე.